

四庫全書

集部

欽定四庫全書

清容居士集卷三十八

元 袁桶 撰

表 賤附

進五朝實錄表

皇祖有訓聿成四繫之書大歷無疆允續五朝之治夙
陳載筆上徹凝旒欽以邦啟治平運符熙洽禮樂刑政
教化之具炳若丹青典謨訓誥誓命之文昭如日月維

累聖繼承之述作實皇家混一之謀猷官謹具寮書嚴
信史雖編摩之匪一幸聞見之悉同欽惟陛下祇奉鴻
圖光膺龍御惟天佑于一德咸曰湯孫受命丕若歷年
悉循堯道仁宣孝治學廣文明臣某等職忝汗青官慙
尸素帝王之制可舉今已萃於鉅編詩書所稱何加願
有光於億載

賀冊皇太子表

黼宸當陽首重升儲之建彤庭叶吉誕承鏤冊之頒宗

社以貞幅員胥賀

中賀

竊以天下之本在國在家皇極

之言是彝是訓然知子莫若父故立嫡必以賢二美斯
完羣情允屬信為非常之慶實開太平之基欽惟陛下
駿命溥將燕謀敷遺本支百世咸推受震之亨壽考萬
年益著離明之象臣等濫巾撫仕欣覩上儀金石鏗鏘
知協風之從律乾坤清晏瞻景耀之宣精

賀冊皇太子表

代宣徽院作

乾坤合德立鼇極以建中日月繼明奉龜圖而示吉誕

敷渙號允迪震亨

中賀

欽惟陛下寶歷儲祥璿源衍慶

立嫡以長遵三代有道之常受命於天膺萬年永保之
裕惟知子莫若父故治國先齊家上當帝心下定民志
臣等恪共內府欣際昌辰太極稱觴效驩呼而率舞寢
門視膳嚴唯諾以致恭

賀正旦表

代宣徽院作

泰元衍策百二十日以為春乾御當陽於千萬年而受
祐紫清叶奏丹陛傳臚

中賀

欽惟陛下盛德在躬至仁

育物象闕而垂治法祖訓是繩獸樽以招直言皇猷滋
闡嗣歲蒼規之始羣生玉燭之和臣等班列外朝職嚴
內宰雲迴龍袞肅瞻天日之光星拱鵷行虔祝岡陵之
壽

賀武宗皇帝登極表

乘龍御天握純乾而居正斷鼇立極奠下土以宅中百
辟一心四方胥賀中賀欽惟陛下聰明合道智勇冠倫
承詔撫軍展素書之奇略登途受璽昭黃屋之珍符惟

謳歌歷數之有歸繫祖考神祇之允格丕基永紹景命
不移羣後后以來蘇政與民而偕樂臣等班瞻文陛瑞
仰層霄頒度量以朝諸侯三千同德垂衣裳而治天下
億萬斯年

賀皇太后表

為都
省作

六飛夾日奉大歷於聖人五色補天歸玄功於文母事
關宗社慶浹宮闈

中賀

欽惟陛下教闡周南德參太極

以慈為寶夙資保佑之勤維道積躬聿致怡愉之養顯

坤元之光大卜鼎命之延洪臣等幸列周行欣逢嘉會
瑤池晝迴樂四表之驩心玉殿春迴行東朝之曼壽

賀聖節表

本院

天開景運篤有道之曾孫電繞神樞受介福于王母觚
稜瑞靄闔闔儀傳

中賀

欽惟陛下誕紹蘿圖丕承祿命

至仁育物得秋而萬寶成盛德在躬居所而衆星拱當
立綱陳紀之始新省刑薄斂之規郊廟肇禋朝野胥慶
臣等名汙玉署目極璇霄廣文王有聲之詩載歌律呂

衍中宗無逸之壽虔祝華嵩

賀聖節表

代宗正府作

乾御當陽甫際中天之運斗樞繞電式臨彌月之祥絳

闕青蔥瑤京肅穆

中賀

欽惟陛下聰明合德孝友根心

偃武修文百神歌而九廟格敦本崇化皇極建而庶績

熙爰開有道之長斯衍無疆之慶臣等職縻邦憲身阻

廷趨有王者興行見溫洛榮光之瑞祝聖人壽願增泰

元神筴之書

賀皇太后冊寶禮成表

本院

蘿圖衍瑞丕昭景命之祥寶冊騰輝誕紀慈元之懿聖

心祇恪子道昭揚

中賀

欽惟陛下稽古聰明事親愛敬

有國之母以長久致養聿嚴天道之要在陰陽飭躬彌
謹禮行中禁慶洽九圍臣等職近黿頭班聯龍尾玉卮
前壽肅瞻長樂之儀彤筆特書願廣思齊之聖

賀皇太后冊寶禮成表

代宗正府作

黃鍾應律協陽德之初亨寶冊告廷奉坤元之至養尊

歸慈極慶洽治朝

中賀

欽惟陛下愛敬積衷順承法道

雍雍肅肅聖寶本於太任怡怡愉愉孝有光於唐帝日
勤初政風動八方臣等恪謹國章欣陪班署瑤池晝迴
幸預聞管籥之音玉笋春融願虔祝岡陵之壽

賀皇太后冊寶禮成表

為都
省作

乾旋坤轉定妙算於宮闈月吉辰良鏤徽音於典冊東
朝禮著九寓歡騰

中賀

欽惟陛下聖嗣太任道希少廣

以天下母游神清淨之居惟泰元尊致謹怡愉之養允

持慈寶益屆壽祺臣等會弁鴈聯趨庭黿抃陽回玉琯
八音首協千黃鍾春滿瑤卮萬歲齊呼於紫禁

賀聖節表

寶歷建元協重華之嘉運瑤光貫月開上聖之貞符盛
德在秋昊天有命中賀欽惟陛下智仁御極孝友根心

丕顯王謨端拱巖廊之上達觀新邑式均道里之中取
泰象於坤乾合離明之日月璇璣叶紀玉斗儲祥臣等
祇率班聯肅瞻清穆宣昭鴻業載歌七月之詩耆定武

功願繼萬年之雅

史局謝錫宴表

立朝載筆交懷愒日之慙就館肆筵申錫需雲之寵恩
傳宮醴光動廷紳

中賀

欽惟陛下黼黻先猷憲章祖武

謂丹青信史紀二聖之鴻文念鉛槧微勞屬小人而燕
賚魚藻歌騰於周室鳳簫聲達於鈞天屆視朔以迎長
綵飛靈而奏瑞上追橐籥下陋權輿臣等愧匪食功懼
惟飽德陽剛初復太平歌既醉之詩天威不遠下拜祝

無疆之壽

賀正旦表

為都省作

會謹天朝文命敷于四海歷司人統攝提正於孟陬率

由舊章曰為改歲

中賀

欽惟陛下道裁天地政在璇璣

崇鄉黨以屬賢才聿嚴親策詔郡國而謹牧養爰廣使

輶東漸西被以如春小往大來而交泰禮行雅壽捧瑤

竿於東朝親納直言開獸尊於前殿亶惟平治允際亨

嘉臣等祇率鵷行肅登龍尾弘敷五典慙退食以罔功

永保萬年敢矢心而善頌

賀正旦表

本院

清臺課歷允符顓頊之元明堂視朝茂正攝提之位陽
迴象魏儀贊鴻臚中賀欽惟陛下經緯人文財成天地
審賢良知古今之體能勵廉隅謂吏道以法令為師益
嚴品節剛健密叅於太極怡愉深謹於東朝車駕蒼龍
導迎木德樽開白獸詢採芻言臣等才乏頌椒恩叨給
札春王正月推五始之大原天子萬年納八荒於壽域

賀皇太后正旦表

歲在攝提叶孟陬之令月歷符顓頊開太始之上元時
屆履端天綏眉壽

中賀

欽惟陛下清心慈儉至養怡愉

數往知來利永貞而坤厚體中居順祉元吉以泰亨徽
音惟日以恒新懿德如春而益暢臣等職叨視草才乏
頌椒絳闕五雲王母降臨於黼座玉卮萬壽神堯親捧
於瑤階

全德泰寧福慶皇太后尊號冊寶禮成賀皇帝

表

為都
省作

皇矣上帝丕昭立極之功至哉坤元申衍得名之典禮
行宮壺化被寰區中賀欽惟陛下敬養日嚴文明天縱
謂聖德無加於孝爰盡討論而天子必有所尊載揚徽
美御未央而登冊即長樂以展儀鳳泊鸞飄寶刻永光
於秦璽雲蒸霧起翠華親下於堯階協氣醇和嘉生傳
厚臣等班聯會弁壽介奉觴太微三光之庭綢繆交泰
有名萬物之母允合永貞

賀皇太后正旦表

丁巳為
都省作

正月始和資坤元而蕃衍兩儀交泰綏壽祉以亨嘉德

協青幃瑞浮紫禁

中賀

欽惟陛下寶慈作則履順行仁

龍袞奉觴喜溢椒花之頌龜臺簇仗坐觀蓂莢之祥審
孫枝之正傳定國本以蚤建邦家大慶朝野均歡臣某
等祇率鵷行式遵鳳歷正時成歲百廿日以為春利用
厚生萬億年而受祜

賀皇太后正旦表

集賢
院

禕衣視旦丕彰立極之功鳳歷頒春誕合建邦之歲笙

鏞翕繹黼黻昭明

中賀

欽惟陛下道協母儀教叅女史

承顏致養順德備於九重正位在中行願符於六五朝
贊聖神之治禁傳慈儉之謨臣等叨侍近班肅瞻嘉會
玉卮為壽儼寶殿以雲從金篋賜齡樂瑤池而晝燕

賀冊皇太子表

集賢院

前星定位仰宸極之聖謨陽月臨軒法坤元之慈訓光
騰鏤冊儀謹傳臚

中賀

欽惟陛下稽古行仁憲天合道

知子莫若父審恭敬之積中治國先齊家盡怡愉而致
養惟宗祊繼體之事大玩易爻重明之象深著龜協祥
七鬯承嫡臣等職縻珍館班肅彤庭喜溢龍顏虎拜咸
呼於萬歲禮嚴鶴駕鸞和共篋於三朝

冊皇太子賀皇太后表

集賢院

承天正位詒謀啟於重闈諏日揚廷渙號昭於寶冊大
明繼照萬邦以貞中賀欽惟陛下色石功深黃裳德順
以似以續降祿命以丕基是訓是行席蘿圖而端本知

立嗣必子之有自審建儲非私之惟公施于神孫繫我
文母臣等職塵清貫班肅上儀簫韶九成願盡稱觴之
慶本支百世式瞻主鬯之尊

皇太子兼中書令賀表

代宗正府作

黼宸當陽懋對紫宸之慶玄龜叶吉丕昭寶冊之光八
音播廷羣公會弁

中賀

欽惟陛下悅親有道立賢無方

謂一人元良勢實尊於藩翰而中書政本命尤慎於樞
機孝友宣昭仁慈溥博臣等恪司成憲欣覩縉儀卜七

百年願行周家之歷上千萬壽咸趨漢殿之班

賀正旦表

集賢院

丹宸當陽頒發春之仁政清臺治歷符建國之昌期日

之方中天其申命

中賀

欽惟陛下澤漸滲漉心玩神明

盤銘監觀德又新而無數河圖則象祉元吉之有恒獸

樽設席以招言龍袞坐朝而問道臣等瀛洲布武閭闔

詔儀玉燭豐穰用制九年之蓄紫清蠖螭業隆萬世之

基

賀皇太后正旦表

丙辰為
都省作

歲指蒼龍密叶昭華之瑄雲開禴翟首稱長樂之觴順
履始和懋隆元吉

中賀

欽惟陛下儉慈作則清淨頤神

色石功深妙裁成而交泰黃裳位正盡滲漉以皆春母
儀循四序之周聖孝衍三朝之祉臣等職叨輔相效愧
燮調拜捧椒花慶載臨於元日宴觀桃實祈永保於萬年

賀正旦表

壬戌本院是
歲閏五月

肇祚發春仰正陽之布治歸餘成歲審長至以觀生黼

宸昭明彤庭肅穆

中賀

欽惟陛下仁推滲漉道協際蟠

修德錫符驗陰陽之消長發號出令則天地以裁成念
丕圖演繼于祖宗究盛禮益嚴於上下臣等瀛洲接武
文石趨班閏月定時泰治密齊於七政皇極錫福乾元
永保於萬年

賀太皇太后正旦表

地天交泰陰教法乎坤元閏餘歸終寶歷增于夏五陽
浮中禁瑞靄重闡

中賀

欽惟陛下端懿母儀慈明內範

怡神少廣悟黃中通理之文辨秩東郊樂青煒登平之
景曰惟肇歲茲用儲祥臣等給札承恩肅班稱慶筆徽
音於彤管歲不絕書望長樂之璇宮天惟曼壽

進仁宗皇帝實錄表

君臨十載式昭垂世之謨聖治萬方庸謹繫年之錄編
摩玩惓敷奏凌兢欽以仁宗皇帝陛下濬哲積躬欽明
稽古發揚乾健預清宮以候先皇祇奉坤元虔問寢而
娛太母審俗周知於民瘼授時彌切於歲豐謂養性存

心宜採於傳記而脩身治國必取於禮經監觀歷代之
著龜夷攷前王之軌範政要採諍臣之讜議大學笈衍
義之浮辭爰譯成書用俾博覽至若譽髦斯士擢不次
以待非常爵人於朝表有功而抑妄進每遵帝範肇立
儒科廣祖宗百年未備之規示子孫億代永貽之訓珠
玉非寶旁招菁莪之賢農桑惟勤旋致嘉禾之瑞惡衣
服以申緣履之禁省畋獵以彰開網之仁增胄子之官
資限計吏之品級為民請命匪營一己之福田遇歲秉

誠果應自天之甘澤與人不求備從善如轉圜河徙故
雖謫斂臣於嶺徼雪深前殿憫戍卒於邊防常思創業
之艱益慎守成之效道傳精一明授受之至公孝竭怡
愉協繼承而無間凡茲殊美冠乎羣倫濡毫惟懼於荒
蕪削牘復虞於缺軼雖盡巧心於舉要蔑窮茂績之救
功欽惟陛下葆命誕膺鴻圖丕顯窮神知化彰明聖之
鋪張詢事考言採臣鄰之記注屢宣睿旨迄萃鉅編雖
天地之德無俟於贊揚而日月之光有資於繪畫臣等

職叨率屬識之簡僚慕永貞之謹嚴詞慙韓愈稽太初
之直核筆愧馬遷

舊制進實錄表文有短長然未敢以數聯直致伏觀
聖朝二帝實錄進表必加詳盡摘其所行事跡以序
篇首稱大德中嘗進五朝實錄表未免倣效前作今
輒不揆遵守舊制撰成一篇或恐繁蕪別有副本庶
便宣讀

又

十年御極聿修四繫之編億載揚休殊乏三長之筆祇
成信史上徹宸旒

中寶

欽以仁宗皇帝陛下仁靜根心

溫恭合德詩書造士闡學制以設科法律為師嚴官規
而限祿諏經作則稽古鑒今所寶惟賢卻獻琛而弗尚
莫大於孝謹視膳以彌加著龜定主鬻之公棧樸藹奉
璋之衆宜登琬琰永秘縑緗欽惟皇帝陛下慕切羹牆
令行金石率時昭考撫言行以無遺迪惟前人繼聖明
而有造臣等尊聞傳信竭思纂題閱歷歲年已深慙於
尸素經緯日月期不朽於汗青

賀正旦表

癸亥為
都省作

歲正天門陳揆治朝之位歷新人統肅嚴魏闕之班四
表迎祥八風順律中賀欽惟陛下仁施滂澍命受溥將
輔相財成別忠邪而無黨斟酌損益合禮樂以同流圭
璋藹多士之良玉燭兆大田之慶準繩乾健索篇泰亨
臣等補袞功慙更絃政拙萬年永錫仰瞻太極之尊六
甲既周行履上元之運

賀聖節表

癸亥為
都省作

十月為陽於赫發祥之兆一人有慶丕昭嗣服之初出

日之升降年以永

中賀

欽惟陛下敘時錫福握乾闥珍

玩天地之心陽初升而來復發雷霆之令陰早辨於履
霜繩祖武以雍熙格民風而醇厚道尊泰壹運接上元
臣等叨列近司欣逢盛典望翠華之行御瑞藹五雲趨
絳闕以傳臚齊呼萬歲

牋

賀皇太子受冊牋

為都省作

禮嚴中禁位建承華萬國以貞咸曰吾君之子四方來

賀永底烝民之生

中賀

敬惟殿下玉璫韞珍金枝表秀

繼體而承七鬯如歲之春定志以協著龜維天其祐方
謹雞鳴之間聿新鶴禁之居某等叨列政司欣傳制命
父子君臣之道備允廣緝熙詩書禮樂之教崇式符繼
照

賀皇太子受冊牋

代宣徽院作

範金作寶禮成內朝簇仗演綸驪騰四字協春秋之大
義覃雨露之殊恩

中賀

敬惟殿下岐嶷天成溫文夙就

佩規帶矩正言正事之教成執玉奉盈事父事君之道
備某等叨司庶府欣覩盛儀仰黃道之日長式符離照
候明堂之星潤允謂震亨

賀皇太子受冊牋

本院

體元更始肅瞻玉裕之姿崇德計勲肇錫朱明之服宗
支襲慶國本奠安

中賀

敬惟殿下英睿夙成藝文天縱

清宮朝邸朱虛之功為高審俗迎郊孟侯之賢允似受
介福于王母繼明照於四方維軍國之樞機實政化之

橐籥名倡百辟兩儀正而五緯齊德和萬邦九穀熟而
三農足某等職叨掌綽欣覩揚庭紀王子之吹笙有慙
斧藻歌堯民之擊壤願廣丹青

賀皇太子受冊牋

代宗正府作

盛德動天誕受元良之冊萬邦為憲悉資文武之賢政
本增崇皇基鞏固

中賀

敬惟殿下圭璋王度黼黻聖謨

整齊乾坤指揮於旋轉之頃肅清宮廟怡愉於定省之
間宜惟不世之勲庸舉非常之典某等職司宗籍欣覩

王綸磐石既安願上則百斯男之頌權衡允稱克成曰
三有俊之功

賀皇太子正旦牋

為都
省作

歷起上辛啓自天之申命歲行維戊瞻出日之重光萬
宇薰陶九垓滂漉

中賀

敬惟殿下功調玉燭政察璇璣

宴錫龜臺密承歡於王母仗移鶴禁親奉壽於神堯維
春之祺有秩斯祐某等導迎嘉節贊咏清時候銅瑄之
陽和式占泰定望青宮之蔥鬱允協震亨

賀千秋節牋

代太保府作

月映彩雲慶仰猗蘭之瑞令行青陸書占玄駟之祥維
春之祺粵上斯已

中賀

敬惟殿下宅心聖學匡力皇圖

廣邦家太平之基澤窮滲漑察天人同心之理下逮芻
蕘仁孝合名中和叶德某等展儀穀旦俛首叢霄壽考
萬年敢陋千秋之頌本支百世願陳大雅之詩

賀千秋節牋

代詹事院作

甲觀畫堂仰紀吹銅之瑞瑤山玉彩特書主鬯之勲維

莫之春初吉云已

中賀

敬惟殿下蒼規體德銀漢儲祥

稽七政之有恒實循冬夏消羣陰於交泰爰法坤乾興
鴻文以闡基握龍圖而佐運兩宮定省雍容化日之長
四表謳歌瞻籙前星之耀某等具寮無補盛旦有光奉
曲水之羽觴齊呼曼壽探泰元之神策允謂延洪

賀皇太子正旦牋

本院

青規紀歷甫開嗣歲之祥蒼震布和懋協少陽之象自
天申祐與物為春

中賀

敬惟殿下經緯人文權輿政治

三朝交泰聿嚴盛禮以奉觴四德尊乾行美成功而璽
玉卜稔已符於祈穀登賢深味於拔茅慶洽宮闈仁施
寓縣某等叨塵顧問欣覩亨嘉聲徹鳳笙仰非霧非煙
之瑞班隨鶴駕歌重暉重潤之詩

賀皇太子正旦牋

為都
省作

歲正璿璣丕應震亨之象春先寶歷允符泰治之祥絳
闕光華青宮蔥鬱中賀敬惟殿下道隨陽長德與日新
玩易中行密包荒而垓圯法天繼照永主器以彌綸稱

觴前殿以承顏侍宴瑤池而受福某等禮成鶴禁敬謹
鳧趨祈穀躬耕預卜金穰之兆頌椒介壽欣瞻玉裕之
姿

賀皇太子受冊牋

集賢院

明堂辨儀袞對重輝之耀昕朝發冊丕昭上嗣之賢宗
社救寧幅員驪慶

中賀

敬惟殿下孝仁生稟禮樂夙脩

一人元良羽翼靡煩於商皓百揆時序英威共仰於秦
王鶴駕之御日三鳥輪之光明兩某等叨塵仙館末綴

臚庭瀛水汪洋望瑤山而親切宸居護護瞻青路以陪從

賀皇太子正旦牋

集賢院

大曆更新叶皇祖建元之祚少陽正位隆神孫承嫡之
基百辟是儀五辰攸叙中賀敬惟殿下應乾作命受震
行仁嘉禮告成歸妹祉吉之象外朝佐治同人文明之
祥日就月將而緝熙小往大來而分類某等肅瞻玉裕
謹候青幃詠歌重光紹天休而繼照弼諧庶績占歲在
之有年

賀千秋節牋

國恤未餘月百司皆擬賀表非禮後不進

電繞斗樞允昭甲觀之瑞日昇暘谷行受明堂之朝宗
社底寧神祇協相中賀敬惟殿下欽文師古剛健法天
或躍在淵龍德合乎中正永言配命龜圖闡其延長仰
震夙之非常審傳付之素定某等肅瞻晬表獲際重光
聖孝有加羹牆之慕彌切民情共戴岡陵之祝益虔

賀千秋節牋

本院

心居天位前星耀於明堂卯為春門大電騰於甲觀盛

德集福至和儲祥

中賀

敬惟殿下體仁法元師古合道

溫恭事帝密贊化以生成問學積躬益緝熙而光大疇
選黃髮之彥庸佐青闈之規如日之升降年維永某等
肅瞻英偉虔祝簡穰輯往則於瑤山一辭莫措探錫齡
之金篋萬壽是期

賀千秋節牋

為都
省作

玄駢發祥丕顯吹銅之瑞蒼龍協紀式昭主器之符紫
禁懽騰璿源秀衍

中賀

敬惟殿下溫文秉度仁孝積躬

侍宴瑤池令德令儀之可述問安內寢正言正事之足
聞如歲之春自天其祐某等導迎穰簡贊詠中和瞻出
日之舒遲重光允繼望彩雲之蔥鬱曼壽是期

賀皇后正旦牋

本院

王春謹時肇正內朝之治帝歷更始益嚴中禁之儀與
物咸亨自天作合中賀敬惟殿下矩循內則言法徽音
關雎詠歌禮避乎蘭殿之貴卷耳思念頌取于椒盤之
文稽陽德維如歲之初考陰教曰履端于始某等清班

接武穀旦趨朝日月並明願上千萬之雅壽天地交泰
載歌元二之太平

清容居士集卷三十八

欽定四庫全書

清容居士集卷三十九

元 袁桷 撰

啓

上王尚書

伏以瞻望聲容幸有登龍之舊披陳悃愫無吐鳳之
長圖鼓勇之新功冀鑄頑於大造掃門受業槭櫨致詞
切念桷生不逢時長始知學伶俜素緒綺襦紈袴之習

無聞零落青編漆簡汗書之藏曷見久知我輩固當投
之濁流靖念斯文豈宜束之高閣操觚而歎詎秉異心
倚柱而歌終持正色胸臆結約肝膽輪囷惟其用拙於
今將欲修名於後載惟宏博世號殊科夷考哲賢咸稱
異數當紹聖之首創蓋以窮經為先至大觀之重刪乃
因代言而設唐朝疎略故退之自笑其俳優宋制精詳
至文公欲加以深厚維較藝於詞苑杳若探丸雖置身
於書林悉同畫餅苟非討論於暇日孰能敷奏於一時

爰取舊規各成要覽涑水之尚德筆纂金桴義山之好
奇文編玉府初學記資騷人之屬對稽古編假進士之
試文博要之粹於丁年統類之塵於乙夜斯皆品節之
效可為區別之模然獨此書實難其例千門萬戶恍焉
莫知所之六律五音聞之不喻其意至若寢門路鼓遂
成君子之欺御庫神弓終藉老兵之對望洋之歎浩浩
測海之智嚶嚶一物不知過亦多矣兩端而竭恥莫甚
焉信知梓慶之巧專益訝庖丁之技異伏惟內翰尚書

先生南州元老故國重臣望壓搢紳聊復浮湛於閭里
文驚華夏未妨談笑於江湖恥申公之蒲輪便管寧之
紗帽樹人為急獎士尤先子誠齊人侈以都邑之富波
及晉國化其潢汙之卑是用忘揣顙蒙惠徽恩育鈞玄
提要在明公為壯歲之筌蹄糾繆繩愆於後生為百世
之模範儻獲書傳於琬琰尤當襲藏於巾箱與汝共之
深議中郎之隘非吾徒也尚祈夫子之憐欲報無從未
言先愧

謝王尚書

拔叔度於幼童深慚非偶執李膺之下御竊喜同時敢
緣擁篲之恭庸致摠衣之請衮襃語重茅塞心開伏念
桷才實滯頑心尤退縮經箱塵寂莫逃家丞庶子之譏
藝苑雲蒸誠駭翰林卿客之對深恐凋零於冷譜固嘗
論索於陳編志不能以過人識不足以廣問戴盆望日
勤無補於三餘坐井窺天智有鄰於五技衡門感嘆斗
室屏營然而切觀盤盂之書致戒必謹韋弦之義繕性

尤深苟非取則於古經曷足振名於來世虛心實腹學
始類於安絃閑邪存誠念實同於執玉反觀典學之成
訓爰採遜志之嘉名輒布請祈方虞僭躐豈駕駘已下
尚希一顧之功然爰居何知遽享九奏之禮寒窓展玩
絢兮虹蜺之章素壁高張森然神鬼之護論深藥石字
重璫璣已三復而吝消終九思而感併此蓋伏遇某官
言為楷範道蘊經綸化閭里之澆風懸簪纓之弱息至
誠樂易許傳新著之書雅量恢弘不棄一偏之士遂令

少賤屢獲親承楠敢不躬勵前聞仰稱春秋之筆恪遵
明訓益加歲月之功永依師門以堅壯志

與陳無我論樂府

伏承下教垂示雅詞退揆疎蕪敢居品藻復緣明命之
重庸誦談聞之迂執筆覲慙通函偃伏切以陽春白雪
之唱和者固稀清廟朱絃之音知之尤寡歷觀樂府之
傑出悉為詞林之緒餘良由萬物變化之愈多抑使五
采章施之匪易龍文被寶鼎雕刻益精天馬駕鼓車低

徊滋窘貫珠之音空在累黍之器莫傳吐角含商孰分
其清濁析宮合徵莫辨其短長俚歌日煩古調幾廢留
連桃葉習晉世之風流淒切竹枝傳巴人之羈旅江南
腸斷之句誰足近之涼州意外之聲今無是也風聲鳥
葉常由動植之可通霓裳羽衣徒託神奇而自眩捨陽
關三疊之清怨變南鄉九闕之狹邪樂意生香寫天機
之妙理山光水色換俗子之凡容彼誇刻鵠之工詎悟
承蜩之解精義無二至道不煩靖言思之孰可繼者伏

惟無我學士詞華泉湧言吐水清飛星急羽之秋文傾
上幕投綸沈鉤之暇興滿南山每希白石道人之雅聲
以成黃絹幼婦之佳製雪兒低唱未多學士之風高墨
客廣傳益見咸陽之紙貴楠尊聞惟謹快覩尤先用鹽
洗金珠未明於物理以蠡測海徒竊笑其心思狂斐莫
裁涵容斯幸

回宗人袁慶遠教授

同源分流風感陶公之詠躬燾後每懷韓子之碑均

此靈根衰然望姓切以經術基於博士衣冠盛於司空
名節為天下高言非其過歌詩著先人跡時與之俱念
鼻祖嘗客於上虞而耳孫分胙於越土定居鄞水占籍
開封西湖之佐蘇公風流儼在明招而從太史文獻有
傳光於淳熙錮在嘉泰父子同館繼廣受之美談師生
並朝陋禹宣之異禮京兆踵河南尹之祖武成均慕光
祿公之家聲藐焉遺孤承此玄胄正倫之妬諸杜鑿地
何心子雲之亡它楊沂江有考車書一致江海相逢豈

無它人因以合譜伏惟教授學士摘詞展世敬業守儒
謂鄧林之廣敷本於一木探崑崙之無底散作群川田
歸於齊良非得已爰絕於漢或曰未然驗賦形之不齊
審受氏之有自處祧惟謹繫世是嚴然而內舉避親昔
者之邈幅合族戒令先王之準繩愧鶯鳩之圖南憫騏
驎之伏櫪義之別王述趣迺不同康樂之愛謝莊心
誠有得楠偶緣鉛槧久汗絲綸傳呼欣大小戴之稱臭
味鄙南北阮之駭部室而得明月當道而逢夜光百世

不遷揆宗子之非遠異姓為後幸譜牒之可通敦叙攸
同參承伊始永懷繾綣曷鑒敷陳

謝閭學士

東觀英游久欽諸老南州俚士獨守陳編念相望之迥
然知無因而至爾何期銓鑒俾預薦揚惟清切之司存
實作成於俊乂王言之制曰七史官之長有三風動四
方必訓詞之溫雅詔垂萬世在書法之簡嚴維班馬之
良不能繼獲麟之筆而燕許之體難以推倚馬之才藝

不兩能物無全美筆則筆削則削非曲學之可為見所
見聞所聞恐直情而難致古有斗米而作傳近多千金
以致詞好惡成一己之私褒貶失當時之實掩長卷以
竊嘆抱遺經而自娛故魏收以輕薄寡不咸稱穢史王
通雖隱淪不仕獨著元經方今偉績無前太平有象大
禮略封禪之記純誠汰郊丘之儀聲教萬邦文質二代
追皇猷創業之永傳丕基嗣服之初必屬鴻文以揚駿
德彰施作繪極妙巧於羣工雜比成音合天和於衆耳

拔犀之選非易聚毛之長亦難如楠者學不運人志徒
師古獻漢家三雍之頌庶或可能續周書王會之篇良
非所任揆小材之雕鏤幸大治之作成忘其顛蒙倍以
踊躍茲蓋伏遇某官儒林冠冕文藪準繩桃李不言以
成衆芳之春松栢後彫而貫四時之氣官僚慎簡載籍
肇新爭名於朝難後來之居上脩身以道匪干進以依
流深虞同升之譏上辱大賢之舉幸相知於氣味迄無
假於聲容楠敢不益勵討論上酬獎拔求識李邕之面

當已有期效彈貢禹之冠不幾於贊因風翰感執筆寫
情歲律云更神休所屆庸致茵憑之禱密調鼎鼐之和
賀鄧善之應奉

茲審講徹皋比班登龍尾早居三字極鉛槧之光榮爰
作一經萃縹緗之芳潤朝端色動江左文明切以詞章
之體與政相通禮樂之宜隨時斯舉誠少近古予以酌
今釋訓聳牙固難迈殷周之盛委心綺靡殆有鄰齊梁
之風山東之詔令溫然河西之璽書炳在往者諸賢不

競故先云亡掇拾成言編聯賸語形模近巧難逃整
之譏刻畫傷和殊近鏤冰之累徒畫虎以類狗強令驚
而隨雞事非偶然時使之爾念欲復還其正氣抑嘗深
探於陳編然而木人石腸難以語經綸之事河目海口
要當歸黼黻之才請誦所聞無出其右伏惟某官清言
古瑟雅製方壺冶百鍊之金而成雲雷之奇合八珍之
味以調薑桂之美當下帷之多暇每傾蓋而劇談意得
忘筌神閑舐筆船容萬斛果自致於水中芝產九莖宜

載歌於殿內夙嘗相勉今匪共設楠倚馬才疎屠龍技
謬歸來之詞莫擬遂初之賦或尋詒茅舍於玉堂當塵
遠想謹蔗漿於金盃冀保天和傾向之忱數陳莫既

壽鄭潛庵

茲審玉宇金明蓬壺瑞藹數環六甲堯年已合於上元
福擁三壬申旦適同於游九江湖相慶樽俎交歡伏惟
內翰學士鬱鬱澗松昂昂野鶴辯排堅白共誇麈尾之
清言書喜硬黃猶習蠅頭之細字方窮太始之理以與

造物者游陋絳縣老人之年讀清溪道士之易踏龜殼
而一笑持蟹螯以高歌夢繞故園壽客相期於晚歲情
親近局麪生肯負於良辰楠傾接維新扳援實舊黃絹
幼婦之詞莫擬子墨客卿之賦未能八千歲為秋願致
長生之祝六十養於國佇看優禮之加薄物助誠副械
讀聽

回交代潘檢閱

誦子墨客卿之賦竊有激昂聆諸老先生之言深相推

挽審珠玉之將至愧糠粃之在前塵牘未遑巽言先枉
伏惟內翰學士冰壺貯月水鑑懸秋下帷授徒有矻矻
窮年之趣閉門樂道無憫憫望歲之憂追北渚之嘯歌
覽東齊之形勝斧藻樸素丹青炳靈相如封禪之書直
譏其陋賈誼治安之策允謂可侔濯纓益振其高風結
綬良非其雅志金馬門之待詔有類俳諧白虎觀之談
經亦幾糴雜惟茲冊府重號詞林寶書如山汗簡若束
方偃武修文之盛迺立經陳紀之初候日影於松階詞

容潤色瞻天威於芝閣議許討論匪慎簡於英髦曷專
美於治世除書一下輿論僉詣楠學匪適今才不逮古
重以簪纓之舊猶工鉛槧之勤泉石寫心比元郎之漫
仕山川感興追老杜之壯遊過塵幼婦之辭重託聞孫
之好有憚其旨不知所裁

回冷教授

仰南州之喬木美蔭獨存望西山之慶雲英光猶在居
然傾蓋之幸辱以投函之謙斧藻溢情丹青炳目切以

取士之岐不一用儒之道實高賈誼少年憂國之策允
著馬周逆旅入對之疏密諧法如牛毛賤若魚目將望
然而引去寧挽之以必來方今人文交修禮樂備舉金
馬碧雞之頌可被絃歌赤麟白鴈之祥宜書竹帛孰為
稱選僉謂當仁伏惟賢良學士溟海扶搖清秋沆瀣圓
冠方履儼魯國之舒徐漆簡汗書補羽陵之疎畧寶氣
橫鬱天葩芬奇方按軌以徐行羞登途而捷進青氍舊
物行廣高門白水同心益窺雅志幸雲龍之有應成針

芥之相投遺以十朋之龜貴若連城之璧有味其旨固
難和於太羹無德以將敢亟酬於雜佩銘膺感幸占對
簡蕪

賀吳編修

茲審疏青汗簡寵錫章身史官之具三長英髦慎簡聖
經之法五始盛事時書荷針芥之偶投慶雲龍之胥會
編修內翰篤志精白結交老蒼審黃鐘於希聲灼知律
呂嗜昌歆之古味允適酸醎維懷寶而深藏終待價而

一試筆耕云舊學殖焉窮桷師友川流獻文日隆喜而不寐類文子之同升樂以忘憂慨宣尼於往昔斐然贊美蔑以效規

壽貢仲章

月暈虹蜺藹南漪之五色春浮花柳揆東作之平分孕彼玉人瑞茲寶運伏惟某官池塘逸興金石流波懸孤表四方之心遠游結駟落筆擬千古之作長嘯彈冠愛東方之偷桃專北門而視草蓋將旬五日而後返抑亦

一千歲以來歸楠善頌莫陳雅游屢接沈香亭北行催
芍藥之詞白玉堂前愧伴梅花之直薄儀侑祝副頴濱
清

賀鄧善之修撰

伏審儒林著望詞苑領賢超近署之清班贊中朝之元
化光膺異數允際重熙敢緣肺腑之私庸寫胸臆之蘊
切以王言之制始分于唐人文之精特盛於宋故便於
宣讀者必資諧叶而直以訓告者當務簡嚴作者數公

流為末派學疎而才勝每師浩汗而失於麤疎記贍而
思遲必慕數腴而拙於裁剪鳬鶴不續蕭蘭莫分蓋洗
金以鹽當研物理而攻玉必石有假朋從厯年滋多此
道不競藏名淵默莫窮龍虎之變騰處友善柔徒欣牛
馬之奔走望風隨其臧否疾才撫其短長有符東晉之
清談自謂西都之舊作昔君實不為四六語未嘗失朝
廷之尊而溫伯輒草廿二麻豈害為錢穀之吏必此為
士其何敢言然作新斯文是在吾黨復古之道誠惟今

茲起八代之衰昌黎固專其事振五季之弊師魯亦預
有功樂在羣居道無孤立伏惟修撰學士丰姿凝湛雅
量韜深大音希聲儼一獻九奏之意玄酒不和成百拜
三行之儀中和養其本根英華發於情性譬若夜光明
月衆咸以為寶珍方之威鳳祥麟人莫窺其形狀陳太
丘之容衆王茂弘之盡懽以為黼黻帝猷曷取竟寧之
事丹青神化獨追正始之音楠幼讓門功早親庭誥探
諸老之源委不知者謂得異書道前賢之心期無聞者

猶譏曲說懼廢三槐之緒聊希五柳之恬為可汰之技
官守不求之樸論要蘄傳後寧望叙遷欣覩除書缺修
賀記幸燈火平生之舊道江湖相忘之言人皆曰賢亦
既遂彈冠之願老而能學當益思炳燭之勤敢效頌規
斯為處與

回趙大社

伏以豎燎扶朝陽之光敢居斧藻贈貂得明月之報庸
謹襲緹三復先猷重陳素款切以屬辭比事匪遵魯史

之舊文微顯闡幽允正周王之大統無傳而著惟道是
明然而獲麟之箋有鄰神怪矢魚之訓詎止觀陳紛然
賣餅之譏最爾垂旒之喻泥春正於長厯循夏五之闕
文郊用辛而非長日之時禘尊祖而雜園丘之謬清言
何補墨守徒矜投膠澄百尺之渾引髮舉千鈞之重首
勲啖趙心學邵程義理精明賴先儒之啓迪權衡輕重
資前哲之贊揚嘗窺西周之簡編深陋後王之典禮致
太平者猶有羣議言五伯者殆無全人廢學熙寧卒致

為我之歎尊王慶歷遂多刻吏之嘲人物眇然年運而
往伏惟大尹學士山林圭組燈火詩書返袂高歌法天
時於五始下帷坐授悟人事於三微載惟先正細甄奏
對之書是為後學青箱纂輯之式集狐於腋端有假於
翼成洗金以鹽良永慙於癡索楠困學有志強仕無功
百年雁塔之聯登李世龍門之末至藥胥皂隸捫心有
感於同時管鮑交朋掉首未逢於知己翕然針芥終以
絲蘿萬二千五百家為鄉豈無好學二百四十餘年行

事聿覩成書擁篲以陳仲函非禮尚祈矜采俯賜鑒融
回趙太社鄉飲

習鄉上齒咸推大里之典型隆禮尊賢幸屬貞元之耆
舊矧蟬冕三公之地在皋比一變之功人物眇然年運
已往於聚雙魚之牘孔昭二馬之期入學祭典修願廣
太平之盛觀升歌主人獻敢隨後進以同登

回趙太社

切以百人逐兇祗益苦心一朝解牛敢煩敏手念洛社

久存於鄉約而杜陵感廢其家聲宰肉莫均拔毛不與
仰止金刀之禮樂陳茲典午之春秋無以易堯不如歸
趙祭飛函而禮讓堅縮袖以勞謙君子是憂貪人斯幸
潛魚畏餌雖自潔於水中羣蟻慕羶卒相緣於堂上其
為計則得矣獨竊議其可乎難以立談終祈臥治飽五
石而無用其果不能粟萬鍾以何加顧茲可陋僉謀懇
切量瀆矜融

壽徐德剛

七月八日

涼生兔子瑞應麟兒玄祖流芳歲遠猶傳其玉硯黃姑
傳宴夜分端俟於銀津家聲之克振可覘宅相之深期
有在桷陳人愈拙妙語莫工望閭里之葱葱阻舟航而
耿耿九五一曰壽願益窮皇極之書四十不動心矧已
開中年之衰薄儀侑祝善頌增情

謝程承旨

爵人於朝已甘遜避譽髦斯士忽被選掄小已惟驚大
鈞有自切以王言之制炳若日星帝令之行潤如風雨

三代訓誥誓命之作理雖同而體實殊累聖歲月日時之編事若近而書貴備簡嚴足以成信史清切然後為文人才非甚長藝莫能擅皇明啓御文治興圖漆書汗簡之奇來者不絕金泥玉檢之陋却而未遑寬大之詔數頒遺逸之聘屢舉宜得鴻碩以贊雍熙大鵬乘風迺鶯鳩之斯集長鯨失水顧螻蟻之所凌憫涇渭之孰分慨薰蕕而同置拾芥而取青紫彼謂不難相馬而視玄黃曷云有遇炙手可熱涌氣如山生能齊言豈莊嶽之

所變恥與噲伍何淮陰之過高惟末俗之實繁斯南士
之不競離明有照渙汗聿新鍊金於陶冶之餘煮海於
剛鹵之後聚毛雖翫擢象是精懸水鏡於廟堂今茲選
衆審銓衡於臺閣夙已簡僚閭巷駭聞江湖翹首楠之
不佞人能具言性褊介而弗通學固陋而無補少承諸
老欲窺龍馬之祕圖晚效一官深愧蟲魚之曲學守西
樞之遺緒望北門之後塵待坐松階占對或言其可教
散襟茅宇倚歌人數其太迂雖慚殺青之工僅免尸素

之誚既云美解寧敢強留蒼狗浮雲幸逃物論白駒過
隙謂失事機蠖久屈以奚伸鴻已飛而何慕私以恤緯
之設見敢言出綍之舊章知之非艱試可乃已泛觀唐
世歷攷宋朝元白才高必授題而方拜歐蘇望重免給
札以即真誰謂秦無請從隗始惟智行其無事於人何
所不容然而爭進駢肩一兔詎堪其百逐旁觀袖手前
禽終失於三驅彼非招而不來羌奚為而遽集議繇鵠
閣功在鑒坡此蓋伏遇某官間世宗工先朝元老文諧

律呂八音振而四懸成智合著龜六虛周而三極建既
任棟梁之重彌深參朮之儲謂立賢無方當視朔南之
員幅凡成人有德豈拘州里之遠遐夾袋初騰青氎已
復桶蒙恩若是圖報謂何欲酬國士之知願假客卿之
對承明三入莫能書赤麟白鴈之祥滄海重遊要飽識
紫鳳天吳之異寸心有在千頴莫殫

謝李承旨

五載辭榮已安初服一朝出命遽復舊氎三已何慚重

來有覲切以太史編摩之所翰林清切之司貴慎密而
熟於憲章尚精敏而達於事勢欲取倜儻絕羣之士將
貽落魄無檢之譏苟崇依違寡言之人必致脂韋不稱
之弊原昔養才於館閣之地蓋當責效於廊廟之時文
治日興皇猷淵默委諸元宰于以彰衡石之無偏詢於
輿言足以知蕩蕩之可擇克謹天戒慎簡乃僚肩摩足
累之徒揚鞭而避巖棲穴處之隱接浙以來矧聲教久
敷於朔南而忠信可行於蠻貊拔茅以彙采葑不遺有

如苦窳之蹤亦預陶甄之選茲蓋伏遇某官精忠貫日
盛德格天高宗之得傳巖營求諸野成湯之於伊尹學
焉後臣彌窮成性之存存益著匪躬之蹇蹇以匡王室
其代予言惟宮府一體之意深念君臣同心之會罕願
因知已庸敢竭愚難得者非常之機易失者不次之遇
方今輿地紀載悉歸于梯航觀闕會朝相望其冠蓋東
漸西被上際下蟠法過密則煩擾而不安赦愈多則姦
偷之滋幸理錢穀雖號為俗吏當究其出納之源議禮

樂實本於儒生孰明其沿革之理同風俗以合志尚敦
朴素以去奇表言舉斯心可運諸掌然文盛必有武弊
而陽長尤懼陰來積薪憂然非賈誼之過計前籌借箸
迺張良之遠謀和羹難壹其酸鹹成錦易工其萋斐有
懸高鑒奚假諛言楠累世詩書百年簪笏與銅臭而同
傳敢謂未然為瓦注以自怡不幾於似當朱門炙手之
日迺清林散髮之秋著書期身後之名擊缶遂山中之
樂恩蒙乘傳非所據以屏營投止操觚將何為而報謝

念承明三八而奚補望天門九重而莫通大書特書執
筆難施於青簡一命再命循牆深愧於素餐曷稱獎提
惟甘樸直玉堂獨掩恍江南送客之情懷衡宇載瞻形
稚子候門之夢寐願安靜退以盡感藏

賀曾提舉

茲審望領儒先道光王化宣尼秉桴之意豈果居夷幼
安度遼而還殆將易俗登瀛可俟艤舟以須伏惟某官
妙思春雲壯懷秋水掣鯨魚而游員嶠奇觀畢陳踞龜

穀以挹浮丘妙言合奏身寄神京之陸海胸藏東壁之
木天允議居中詎宜補外桷屠龍技拙倚馬才疎詭御
以告王良則云豈敢執鞭而慕晏子尚或可能不腆儀
羞無文敬在

招俞光遠入塾

七歲入小學幼儀深著於曲臺三年通一經俚諺敢誇
於東魯先猷滋遠穎識無聞空多老翁不量力之譏莫
慰大賢願汝為之意伏惟教授學士矻頑妙手鑄巧良

模樂矣誨人陋孫寶之避舍愔然就道知李耳之入關
談經排狗曲之朝挾策恥免園之固以身徇道初何愧
於古先辭富居貧益有覲於雅量尚煩負劍辟咄之訓
以成洒埽應對之儀虛左以迎側躬而俟

清容居士集卷三十九

欽定四庫全書

清容居士集卷四十

元 袁楠 撰

啓 疏附

田宣城郭教授 雷煥

江左諸賢夙慕敬亭之山水洛中九詠肯言京邑之風
塵擔簦而賜璧一雙憑軾而下城七十奇節矯亢高名
激昂伏惟教授學士藻思春雲丰神秋月子綦隱几立

言深愧於炎唐林宗墊巾置論匪鄰於危覈脫穎悟折
衡之敏發研窮肯綮之情流涕力疏於治安多病恥陳
其封禪懷章宿邸知富貴之有時棄繻入關審功名之
之可卜方盛世興賢於郡國詎長才抱道於草茅雲龍
類從冥鵬運徙遴選金臺之彥孰敢居前深藏寶劍之
篇豈宜緩後方爭求而識面謂鼎來以解顧顧懷刺而
却行將舉扇以疾避長箋鯨掣節室珠輝桶學殖塵荒
經畬德隆儒林丈人之源委老矣亡傳子墨客卿之詞

華終焉自失每念空餐而增淚誠思拔茹以避賢位卑
語輕望淺任重吾徒掌帝之制弗稱絲綸君子贈人以
言有慚斧藻永繹其旨不知所酬伏希亮察

答郭山長

家近神山那有望瀛之想祿尸玉署每慙玩歲之羞將
賦式微之歸忽膺連茹之寵捫心慄惕揆分僥踰楠智
不逮人器非越衆老而能學永希先世之勤樂以忘憂
欲述聖門之志考茲盛代尊彼儒流選部推毛之精崇

文拔犀之舉謂南士後至難效盧前而靈胥遠尋所宜
隗始白駒空谷振驚西雖有未琳琅之書彌重錦繡之
段客師之遇跛男子似若倒之汾陽之許謫仙人于今
驗矣襲藏是謹傳誦惟驚

回府學觀禮

瀛州清切甫賦歸休泮水肅離適嚴秩祀方謹陪庭之
儀注遽承巽牘之詞華進執豆籩升聞金石惟素王道
德之懿合蒼姬文質之宜謂巍坐光榮不幾淺陋而成

令炳著斯為故常深嘉潔已以作新共企傳恭而復舊
奉璋相事敢居髦士之先執禮遵前難免鄉人之誚

答朱生

一還故里分安野鶴之間三入承明衆哂黔驢之技櫛
髮淒其已化捫心省以獨慚粲然霞裾申以冰繭部室
獲兼金之耀衡門駭織翠之竒伏惟賢良學士汗簡功
深韋編思切議詞章之弊肇於揚劉發騷雅之幽擬於
屈宋單出雜比為律呂五采一就分等夷靡然變藻績

之工綽矣成顯噩之古然而明理者鄰於直致修辭者
萎於曲裁謂箋記止媚上之文能之實少而制誥得儉
衆之體作者猶難楠金匱世官青箱家學嘗自處於木
鴈深有哂於土龍史之三長敢述馬班之制作經迷五
始莫推啖趙之淵微事與願違志隨年往幸覩清修之
標度得據磊落之襟期針芥有投漆膠彌固贈以繡段
拜雖亟以莫辭酌彼金罍禮未成而先醉輪囷有感厓
畧是酬

田楊編修

綴班玉署悵諸老之川流晉秩金華撫微躬而涯邁選
繇鼎鼎事駭搢紳方虞按劍之疑忽荷遺珠之贈伏惟
編修學士文裁錦段思湧繭絲目無全牛論固輕於餘
子智專老馬語或齒于陳人每憐炳燭之勤能破炙轂
之辯嗜同昌歆玩比懸黎既接壤於片雲復盍簪於中
禁事云有幸時不偶然掬久困京塵宜收朝蹟望蓬萊
隔弱水肉羽難勝歸鄉里授諸生丹心尚炯敢因褒拂

庸寫摧藏

賀臧戶曹七十

光分華旦瑞啓希齡兕觥以躋公堂允資裨贊鳩杖而
遊鄉校實賴主維人瞻壽骨之有傳天挺蜚聲而彌壯
桷陪游再世縻繫一官望廣顙之彭錢雲烟縹緲想脩
容之姑射冰雪湛凝侑慶薄儀別陳副楮

回韓知州

伏承劄翰俾篆碑顙詳讀再三莫殫萬一靖惟先正按

察相公智謀超俗勇略立勲東西戰壘之出奇左右屯
田之擇便矢穿楊葉彤弓昭大帝之恩斧破豫章金符
儼百神之助烏府藹澄清之譽紫樞彰鎮靜之謨薦士
惟公共擬巨源之識量聽訟以理未誇廣漢之精明至
若更異代而振家聲以孤兒而傳宦牒績為罕匹人所
難能編摩已著於穹碑揚厲宜歸於汗簡伏惟節使相
公窮神述事立身揚名繼世象賢牧守之任相接為政
以德撫字之念彌加安陽之圖譜可尋潁川之風猷如

在昔聞惟二今見其三某演誥罔功紬書無補龜趺
鼎幸附驥以託名蠶尾參差願濡毫而作傳尚賒參覲
統祈鑒融

壽史允叟

數周甲子壽開絳縣之年瑞後中和慶萃金閨之彥槐
堂馥郁榆社歡榮伏惟某官服食頤神希微養智撫松
筠而閱歲霜雪不移調茵鼎以樂天烟霞自得方將友
安期於瀛海揖子晉於緱山坐觀盛衰笑視古今招邀

親黨願成二老之風流約集耆英共繼九賢之真率薄
儀侑祝副楮別陳

埜甥定鄧氏

西州勝士久欽翰墨之芳南國故家自笑冠裳之冷幸
托根于外氏獲聯蔭於清門不假揄揚遂諧婚對伏承
某封

闕

參女史訓服姆師從子公埜習有童心

才猶凡品每慙鐵鑪步之誚敢意玉鏡臺之緣敦義有
加申盟無斃陳不腆之幣爰以敬初叶和鳴之占永言

綏後臨風瞻倚執筆感愉

趙氏請婚代作

明珠當道愧無因而至前幽蘭深林敢不採而自佩庸
假蹇脩之力允諧懿氏之占伏惟某人朗鑒冰清義襟
河潤品題吾黨合閭里之衣冠繅藉斯文振家庭之詩
禮有懷聯事歸擇賢宗不煩千金之致詞端藉七寶之
合月翠屏宜晚行叅羣從之游白水同心益覲片言之
助輒干將命恭俟報音

長女許適趙氏

西府垂芳遺編僅守北門視草一疏獨高興懷二老之
盍簪屈指故家之傳笏前言儼在嘉命是恭伏承令姪
同知壯慕直清仕版方堅於冰蘖而栢長女某幼遵婉
婉閭儀粗習於絲麻眼空餘子之隨羣人議迺翁之擇
壻察其素履終以淡成萬里遠歸自許子平之拙百年
偕老願諧敬仲之占腴禮莫酬副書以載

次女許適趙氏

伏以漢庭甲乙曩已託於同年商邑後先適相符於千載
仰止青雲之素歸然喬木之存施于孫曾成爾姻婭伏
承長令嗣學士思深象管譽已藹於階庭而楠第二女
某工謹輦絲職粗遵於閭閻未習競夸其侈靡吾徒宜
守以儉純此道清風斯盟白水仕非為貧也願早觀金
題玉蹕之奇言得無訕乎已預述竹筭練裳之簡有嚴
報禮庸謹副械

回余氏議姻

成季之勲象賢是嗣有嫡之後教順惟慙念脩程方厯
於冰霜而賤跡幸安於田里事適相偶時何敢違聿來
金薤之華申告瓊茅之吉悲蠲繁縟以奉周旋直道而行
固官箴之攸謹外言不入在壺範之必嚴匪惟弱息之有
歸益見清門之足法奉板輿而調鼎膳所願事姑入玉
堂以復家氈敢云傳壻莫攄喜臆庸致規言

季女許適余甥

百年事契仰止高曾再世婚姻施于姑姪念造端於幼

歲獲締好於今辰允自氣同抑光肺附伏承令姪洒掃應對久遵壽母之規楠女保抱携持夙賴大家之訓展也衣冠之緒凜然弓冶之傳人亦有言吾為此懼魯衛兄弟禮已判於立談秦晉舅甥事益難於坐視勉焉亢植稱爾獎提

叔女許適史氏

秦晉甥舅之國論世可知朱陳嫁娶之村披圖儼在惟華閥孰比肩而擬迺衡門爭接踵以前盛德有容寒宗

奚讓伏承令姪孫承奉衣被儒素綺襦之侈靡聞而搆
女服習女工鞏絲之精未解念遊宦久塵於當路而婚
姻馴致於失時立談璧雙訂諾金百練裳未備敢云九
十其儀鐵硯可傳行奏三千之牘

田史氏聘

宦路因循莫酬宿諾相門清邃猶守舊規荷崇篤之愈
加審姻婭之攸自書來尺素禮重兼金歌標梅之詩懷
惟有慙效投瓜之報愧莫可言

瑾請婚史氏

元老傳宗專清名於碧沚彌甥承緒邀餘福於滄洲百
年婚媾之孔昭再世姻親而允著伏惟某官某封

闕

內閨服習手締繡以益精而摘男辟水從游躬簡編
而粗謹惟閨閔吾徒之當保何閭閻餘子之爭前謝彼
濁流成是古道納采用鴈欲男女之及時端策拂龜審
公侯之復始敢陳薄禮庸載副械

牟氏招贅書

代作

中年婿對每深禮本之思晚歲家聲猶守儒林之舊盟
既諧於築館事宜免於御輪老矣無能視之猶子伏承
令嗣學精細帙才詎止於目前而某女某功謹顰絲情
難離於膝下受餐願同其甘苦奉匱深謹於寒溫既重
久要敢辭先施青氈硯在敢言翰墨之有傳銀燭屏開
豫卜門闌之多喜

疏

易州文廟疏

聖人之道極覆載莫得而名神明之通若淵泉無往不
在維上谷之古郡實陪京之奧區脫戰國任俠之風服
五經仁義之訓化行衿佩家有衣冠然而揭虔妥靈廟
堂之制未舉設儀辨位籩豆之禮莫施雖像設之教啓
於後人而神棲之宮見乎累代事關我華天祐斯文泮
宮作詩願同功於史克鄉校有頌豈專美於鄭僑敢不
盡心聿來胥宇翬飛鳥草佇耆不日之成玉振金聲共
享無言之化鄉閭樂助庠序增榮

贈陳無我凌波圖疏

右軍換鵝經不了生前之債東坡賣馬券要求身後之名然而畫餅豈足充飢須信望梅亦堪止渴菊南道人璫璵古學瑚璉雅材江漢秋風付經綸於獨笑冰霜晚歲寄漫浪於一官食苦茗而論事不休坐胡床而倚聲自若寧為雞口任刮龜毛丈夫豈願憐出門何礙平生不道乞對鏡奚慚信天公之記已成孔方兄之交頓絕雪車豪士會須奪吏部之金秋水達人寧復貸監河之

粟知心惟一具眼無雙

張玉田歸杭疏

采藥神山悟朱顏之今昨呼猿靈鷲勞清夢之去來要
當青鞵布襪徒步徑歸誰信黃絹色絲空言何補弄笛
恨邊雲慘澹坐窓惜江月淒涼落葉孤尊無復金貂之
慷慨古梅千檻空懷玉照之風流食肉之相已非解牛
之技焉用焦桐未遇斷木自慚風雪江湖肯後當時之
置驛交游金石定先桑子之裹糧鄙騎驢灞上之寒遂

跨鶴揚州之願膝行而謝捆載以歸燈火話平生慰老
弟兄之白髮詩書娛晚歲還名祖父之青氈恩極無言
情陳有覲

周可竹移居疏

借車載家具已知生理之疎騎馬傍人門可怪言辭之
拙相期青眼少慰白頭可竹教授清比叢蘭耀如野鶴
無殘盃冷炙之色有簞食瓢飲之安鼓琴授生徒近馬
季長之標致隱居任漁釣入方玄英之品題幾經茅屋

之秋風厭聽小樓之春雨烏鵲三匝鷓鴣一枝欲尋菟
裘之謀難課兔園之效昔和靖處士享西湖之樂不以
告人然康節先生買天津之居嘗聞醵衆既自慙於啓
口要當會於知心不惜一言毋煩屢請門多長者共成
來往之歡尊有賢人不廢倡酬之適鄉閭佳話湖海高
風

許路教入館疏

代人作

道喪於千載之餘談經者逐章句之末士奮於百代之

後言理者析天人之微不有淵源孰為矩範某人學優
聖域譽藹儒林光風霽月之心胸莫窮其蘊清泉白石
之志趣所養者深名羞少室之山人衆羨關西之夫子
得英賢而教育終愧顓蒙美盛德之形容莫殫善頌却
前而請虛左以迎

趙太社刻春秋法度編疏

列國寶書慨混茫而亡紀三陳鐵槌洞消息以深憂永
瞻忝離之遷迄成葵丘之會蒼姬凜在素王是專攷牛

耳之盟悉淪於矯誣推麟趾之應莫掇於衰頽匪惟凡
例之嚴是曰筆削之正然而隕星退鷁非有褒貶歸貶
求車實淪典禮直書其事足以誅亂臣之心曲說以箋
殆有若法吏之口三傳角立羣儒狐疑維昔師臣侍經白
虎今有賢子紹業青氎討論無歆向之嫌文獻續閭平
之美年運往矣風猷儼然幼讀父書若擣珍以和於舉
鼎老嚴家訓雖嗜芟猶守於加籩泯然鄉校之闕遺懼
爾世卿之淪靡願廣傳於琬琰庸不墜於箕裘白首書

成允遂殺青之志清門人在益章壽梓之功

戴先生刻遺文疏

羊公峴山之碑深懷身後白傳雞林之集豈較目前是
以壁中之藏咸嗟其斷缺航頭之獻或議其改更念茲
汗簡之勞多孰若壽梓之功博生乎今者嘗忽夫近志
于古者或知其非爰舉者先以告茂異剡源子少負奇
志晚成大名漱六藝之菁華窮百氏之源委如得溫璞
以成連城之璧若裒吉金以合四懸之鑄世方尊崇老

益平實夫人既慕其學是宜家有其書失今不圖斯咎
誰執十年之計在木庶得廣傳同心其利斷金允宜共
贊不在是舉曷成斯文穆叅軍市上之酬敢求美價蔡
中郎帳中之陋徒蔽脩名

尚仲良刊醫書疏

類長沙張仲
景書為十圖

欲觀日月星辰疇咨繪畫多識鳥獸草木具訓傳模矧
左圖右書之教備存內榮外衛之微莫辨張長沙類四
證以明治病之本朱南陽衍百問以推用藥之原其書

雖完厥理難究爰有多聞之士聿成一覽之圖考百樂
之君臣推五行之母子分弦濇於坤艮別表裏之陰陽
若遊建章咸旁通其門戶猶入武庫悉能名其甲兵允
得於心如指諸掌欲推已而傳世必假衆以全功張廣
樂於鈞天詎資聽瑩挂高堂之素壁端便覽觀共勉揮
毫所期刻楮

陳晦父致仕還家疏

挂冠神武注晚歲之蟲魚歸老鑑湖了餘生之麴蘖駭

士林之一見合選部之二宜喜在眉端春生足下湖西
致政陳教授長材韞匱敏手斲輪破帽塵侵不辨支離
之粟矮簷風急徒賡翫驪之歌烏信天以無愁揚厄閨
而彌老李太保亦為之惠米固以眼青蘇司業時賴其
與錢終憐頭白漫浪江湖之迹淒涼山澤之癯囊無一
錢空如懸磬扁舟下吳會願共謀扉屨之貲騎鶴上揚
州庶益遂衡門之樂

金陵鄭生應炎道士疏

北闕上書著詠受嗔於唐主南山種豆貽言增禍於漢
朝生也有涯安之若命金陵鄭生精神玉潔辭辯春霏
負笈登途謂功名之來可立致下帷講道審義理之得
為無窮淒涼灤水之情懷隱約金陵之夢寐將置身於
方外行抵掌於人間柱史猶龍匪宣尼之私論塞翁失
馬詎莊叟之寓言斷于乃心告茲多士青精顏色深培
橐籥之功白日羽翰必假刀圭之助渝盟天厭效義風
從

真定劉謙父葬母疏

貧迺士之常命有拘而淹屈孝為行之本力不逮以因循歷觀聖賢夷考傳記脫驂之贈成於斯須挂劒之酬定於往昔蓋惻隱為人之固有而慷慨則世所共難謙父提舉臺閣蜚英江湖漫仕郎潛衰矣薨百甕以自怡吏隱蕭然粟五秉而誰助假墻壁以葬其先母閱歲年莫返其故居雲聳松楸難合延平之劒煙迷鄉國似隔蓬萊之山傾麥舟則蓋有其人指米廩亦當繼其事古

推任恤義濟厄窮觀百金為壽之辭誠為過舉輟一朝
享客之費是在勝流凡我同盟知此非僭

史朝甫鳩金疏

袞繡舊坊痛家甄之羽化簪纓故物存遺址於霜餘非
假重修曷能永遠昔梁公有廟以香火而綿長魏氏故
莊因畊稼以蕪翳肯堂之志敢替居室之資孰謀矧此
地號寶奎湖通碧沚四世五公之故躅十洲三島之仙
蹤道氣分紅塵之囂勝槩接紫清之邃王珣捨宅虎丘

之跡彌芳賀老棄家鴻禧之傳益著願憑衆力允成勝
因

羣子固鳩金疏

顏淵希聖簞瓢之樂有餘揚雄好玄觀石之儲不足道
之充者身愈泰心之廣者貧益安子固經歷游藝精深
養神恬靜因五行而知貴賤響若著龜閱千官而審盛
衰明如水鑑腰難折米口厭言錢監河之粟誰償吏部
之金莫奪廣厦寒士之願古蓋有之綈袍故人之情今

斯可矣一時傾蓋相與揮毫

奇禪師住天童疏

身隔片雲更上玲瓏高處心如止水久明清淨本源行
藏不假於脩為去住靡容於擬議僉言惟挽一笑承當
伏惟天童怪石禪師潛雷在淵美玉韞石法筵擊拂大
辯若訥以難窮丈室閉門掩息如灰而莫測澹兮守僧
伽之鐵鉢寂然護摩尼之寶珠不滯一方難違衆論雲
無心而出岫允稱招提水有時而回川佇看興復祝聖

主壽作天人師

冲禪師住補陀疏

平湖春藹久居水月之上方絕岸雲深要識海潮之瑞
相雖神化無形而應感在世緣即境以示真選衆維公
當仁無忝伏惟補陀大虛禪師澄源心鏡懸河辯鋒藏室
眼空一滴果投於巨壑石盤手透正宗允紹於東巖對
達官不下繩床示諸徒靡煩禪板睠惟寶刹上徹紫宸
香幣絡繹於道塗車馬駢聞於島嶼發乎通見乎遠變

現莫窮左畫圓右畫方應酬非易敢煩主宰庸闡招提
小白花香證西天之梵語空青水影印南海之圓光顯
大士功祝聖人壽

壽國堂師住廣恩疏

法王寶刹殫億劫以莫窮盛德佳城考五傳而必復維
樞庭奉先而結構實木菴受畫以拮据子為孫孫為玄
初無間隔公慙卿卿慙長卒致荒蕪羣議交譏諸方竊
笑伏惟某人溥洞下之旨益密為山中之行最尊化鶴

還家飛錫歸里翠浮松栢儼奇觀之舊模金透簷楹增
清暉之秀色祝彤庭壽廣綠野恩

南湖十六觀重脩疏

想遂心生由思為而攝以觀行隨誠立積空假以歸於
中推西方清淨之樂邦解羣生昏垢之苦海法智尊者
開講席於是山介然比丘肇化境於此地十六觀室烟
銀樹之光明八十由旬儼紫臺之芬郁坐無虛位儀具清
規巍我鬢三里之現前拱衛恍諸天之如在若茲妙所

允勝他方壞空乃算數之循環變幻成劫灰於瞬息睽
維名郡素號相鄉信士孔彰法身不昧陳諫議以筆墨
為之翊贊史中令傾金帛盡其莊嚴古與今同事由衆
舉掄梗楠於澗谷采丹雘於陶鈞蓮花湧七寶之池貝
葉集諸香之案雲興膚寸徧龍澤而有年毛積毫釐成
孤裘之無價以斯功德作是因緣庸報皇恩咸增佛果

永禪師還定水疏

百年得意大槐宮真成一瞬千載還家華表鶴今喜重

來山林以之鎮浮松栢為之改色去留何礙出處無心
東州老禪骨格老蒼宗玄真淨沙盆之破已補佛法無
多寒厓之倚如春機心盡掃厭聽蕉窓之點雨竟歸茅
屋以省雲塚間之約遽忘菴外之事漸識微我弗顧盍
歸乎來一宿閣中寧許當年之掉臂三生石上會須今
日之點頭水已歸東車容虛左

儀師住天台飛瀑寺疏

如來四十二章已成經論天台萬八千丈難與度量爰

開祖庭以揚教觀天台飛瀑寺儀公講師心懸水鏡辯
雨天花跨遠道以獨遊觸緇塵而無滌方且寄吟咏於
畦町之外追談笑於江湖之間惠勤來京師歐公嘗進
而與之語文暢游河朔柳子亦序以壯其行二美適同
羣言允愜挽之不可去矣奚求飛雪懸崖捨枯薪而煮
茗清風夾徑對明月以倚松迥絕見知益增定慧

真禪師住定水疏

古人冢間樹下是大道場彼處山色湖光乃真長物雖

三宿恐成知見然一擊終有本原飛錫肯來虛車以待
真公長老松源嫡嗣竹閣儒流大庾嶺擲衣了無諍語
雙峰山舉拂允謂報恩卧白雲以送千帆之飛斟清泉
以展一鉢之供為仁由己斯道覺民今年貧勝舊年幸
尚有卓錫之地東澗水流西澗儼相望埋玉之阡壽祝
三宮道叅七佛

寶林塔重建疏

如來以不二心作浮屠相至人以無縫手成宰堵緣睦

茲寶林名冠東越平地湧起實許玄度之勝因茲山飛

來有徐會稽之妙句

徐浩詩茲山昔飛來
今有墨本留寺中

雖佛燈之相

續奈劫灰之屢更萬里有行七層儼在中殿記靈山之
會已為天下之先康衢歌擊壤之謠共效封人之祝雖
云具足要在合尖願力精專等童子聚沙之戲神通溥
博謝育王使鬼之能舉筆生風成功不日

東嶽興造疏

三宮空洞之中上通寥廓四海幅員之廣實有主維古

稱岱宗仁並木帝伸為神屈為鬼端假去來生者養死者藏必資旋轉三十餘里之太嶽七十二司之真官爰謹鳩工用嚴象設居士垂鶴髮而成勝果詎止一年懷州號龍興而闡珍符永祈萬歲丹青之費雖廣黑白之業可消煩孔方兄之點頭須楮先生之落筆五穀熟而人民育造化功深三階平而陰陽和生成道廣

西隱道院重脩疏

賀祕監千秋之觀門有水雲王大夫安化之廬居多竹樹


爰宅清淨以成勝殊然而絳闕紫宮乃梵靈之所幻桂
棟蘭橑茲地產之所為若風落山木葉盡脫如舟在水
波濤相凌故卦氣示還迈之方而丹經著補服之妙茲
惟人事必假衆修告於棟梁視我墻屋華表驚其如故
鬱蘿儼以常新仟來以圖還十二樓之森著神降之福
祝三千歲以遨嬉

脩桐栢觀疏

福地七十二所之最允屬金庭台山萬八千丈之高實

通丹闕維王子乘雲而稅駕至僊翁禮斗以建壇谷神
闡靈山君集異瀑水千尋而橫練松花五葉以垂珠興
公之賦曲盡其瑰竒擇木之碑悉書其遠始睠茲寶殿
迺開元皇帝之經營攷彼漆書肇司馬山人之展布歲
月屢經於代謝風霜曷任其枝梧羽人停鶴以興嗟客
子控轡而問故魏我道祖必資蠖濩以導迎縹緲虛皇
宜假靚淵而崇奉計匠詎涉旬之可集商財非積萬以
莫能瓊臺何昔日之易成玉局蓋一時之神化匪資柱

石曷濟津梁鼯鼠飲河願早貸清溪之水精衛填海當
有憐白首之心烟霞改觀以翱翔草木懷新而鼓舞祝
崇萬壽道贊重元



清容居士集卷四十